

## 09.03 PROFIL

---

### **Chasper Cadonau: «Jau sun pli gugent sez mes schef»**

*L'architect da Ramosch circumscriva uschia in da ses debels.*



Che la vita professiunala maina in di a Chasper Cadonau en il sector da construcziun, saja bunamain vegnì mess en tgina ad el, cun gist plirs confamigliars che han lavurà en quest sector. Atgnamain avess sia vita er pudì prender tut in'otra storta en direcziun sport professiunal da biathlon. Ina ferida dal dies ha finalmain fatg ir il giuven da Ramosch en in'otra direcziun. Suenter avair frequentà il giarsunadi sco dissegner a San Murezzan, ha l'um dad oz 44 onns finalmain realisà in siemi e cumenzà il 2004 cun in agen biro d'architectura. En il «Profil» raquinta l'affarist sportiv dapli da sia vita sur cunfin. Chasper Cadonau viva dad ina vart en il Vnuost en l'Italia cun sia famiglia e da l'otra a Ramosch, nua ch'el ha ses biro. L'Engiadinais raquinta dentant er, pertge ch'el n'ha betg pli vulì realisar projects simplamain be pervi dals raps.

*Redacziun: Anna Caprez*